

新淦縣志卷十一

風俗 目錄十四條

士習 民風 農事 女功 商賈

衣服 嗜好 冠婚 喪祭 音謠

十二月占候 十二月口號 附



祈禳 賽會

新淦縣志卷十一

風俗

四民之業審其趨鶩而抑其偏尚轉移之風被於土  
 所以成之者行乎人首而士習次而農工商賈大而  
 冠婚喪祭細而日用飲食顯而人事幽而鬼神皆應  
 書也作風俗志



新淦自漢以來建置甚古為邑最大理學忠節文章之  
 士踵接肩比史冊爛焉闢門挹秀人文之氣見於山川  
 憑高望遠可以奮然而興矣  
 施閏章淦學記

自清江鎮徙南市村與郡治兩江渝水若義宓之在唐虞前而斗樞之出星辰上千有餘歲人文代興絃歌俎

豆彬彬郁郁

施維翰滄志序

米粟之藏方舟而出保介山谷其土沃其泉冽宜稊者十六種稻者十四時其登耗量其多寡察其稻稊民無滯積亦無露葶

楊爲棟泥江湖橋記

邑之山川扶輿有待而顯聲氣感召不知其然而然淦玉笥金川固才雋之藪也士不釋佔畢而務敦孝悌忠信之實文不沒於異端而原本六經

府志

衣冠多所萃止藝文儒術斯之爲盛雖閭閻賤品處力役之際吟咏不輟

府志

君子貴玉溫潤而澤仁也纈密以粟知也廉而不刻義也垂之如隊禮也叩之其聲清越以長其終詘然樂也瑕不揜瑜瑜不揜瑕忠也孚尹旁達信也氣如白虹天也精神見於山川地也圭璋特達德也天下莫不貴者道也嗚呼其忍棄之哉金川有義士類此者

王佐金川

玉屑集序

明季士子倡爲社集如復社幾社與東林遙相應和致

成門戶之禍此橫議之壞習也宋時新淦之士有鄉約專講立身制行之道如青雲約魁星約鄉邦之士來遊此土或應舉赴都者皆有資助見於文文山集序稱新淦風土之厚不但高區區周急之義也

吉水文天祥文

山集

淦水之東涉牽水而北距余邑六十里而近趾相錯也俗好疆井相若也賦庸之所入歲相若也星祥之告月相若也士之敦學知相若也余邑父老有言曰我生乃

不逮淦人

楊廷麟淦志序

晉羅綏嘗宰新淦後其子含送楊羨到縣新淦人以含舊宰之子咸致賂遺

晉書

川嶽之秀發於人也其奮激而峻烈者往往若飄風迅震不能以日乃其沉鬱抑塞當發也而未盡洩必停蓄融液薰爲和氣而又悠長紆遠愈久而著

朱孟震秉器集

金川古廬陵併入巴邱地也村落棋布民居鱗集於城則廬舍輻輳臺榭帷聯誠爲豫章巨區觀四野桑麻知萬姓豐儉可憂民之憂而樂民之樂

董謙吉淦志序

筆工市傭與歐褚通進技進道衛霍摧鋒傅管抽毫求

售不同 岳珂玉楮集

地當舟車四會之衢山峻水清逐末者多 鄧元錫方域

志序

峯巒秀拔岩谷杳密煙簑雨笠遠近相望行旅遊人後  
先雜遝田有稻秫林有桑麻圃有菜茹池有菱芡芙蓉  
場有雞犬牛羊溪有魚蝦鳧鴨可以給衣食賦稅為賓  
祭之奉 金幼孜北征集

其君子善居室小人勤耕稼俗少爭訟勤於紡績有夜  
浣紗而且成布者俗呼為雞鳴布 隋書地理志

滄俗女功尺布條棉皆可以有易無婦以紡績持家七  
夕乞巧亦鮮設瓜果於庭但望河箕星以為占候諺云  
河箕來得遲米穀甚便宜學博饒夢銘風土詩家計端  
憑大婦裁刀頭何日葉裙回無錢也沽當壚酒尺布條  
棉質得來半簾秋月照娥眉少婦婷婷乞巧時却怪拋  
梭人靜後牛郎不看看河箕載石屏云天河司米價太  
乙照時康天河顯晦可卜米價之貴賤 石屏集

地為黃勉齋過化存神之地民服其教不令而善行宋  
季迄於明初相距百數十年故家遺俗流風善政猶有

存者淦人不輕去其鄉父子有親兄弟妻子不忍離散宗族相卹凶年獲免於死亡俗猶近古廬陵爲節義之鄉淦之士氣頗類廬陵讀徐子權翹首謝京國飛魂歸故鄉之語此豈後於周是修者哉高或類於狂次亦有不屑不潔之操焉昔朱秉器之見黃仁山也酒酣泣別時分宜當國戒以此行斟酌勿失身於權門及授南刑曹復寓書戒之曰南都多鄉人士每來就訪攜駢駢侯門甚虧雅道固不宜拒禮遣之可矣心服其言歎其愛人者至此可得士習民風之大凡矣

泰引楮談

輜軒所采稱此邦之人民良士秀上之詩書之澤祖而父父而身者孝悌之詒也次之溫飽之志祖而父父而身者力田之詒也析薪克荷肯構肯堂斷不能不稼不穡弗狩弗獵享也閤於貪天愚於效人此俗之敝也明台州守楊爲棟言淦東土之民逸鮮長慮西土之民勞好逐末富者賤五穀而貴金玉貧者棄耒耜而好遨遊又其甚從與爲奸冀彼竭而我盈卒之交相濟者乃至於交相困可爲長太息矣不士不農遊手遊食伊于胡底讀練忠貞集言元之盛時淦稱富庶富民之居誇奇

親澤縣志 卷二  
鬪靡窮丹雘而被文繡一旦勢衰運屈求其敗瓦遺垣  
無復存者又讀吳志紀聶侯事言侯少爲吏有唇吻不  
知今之所見或異於古所云耶抑古今人之不甚相遠  
也 舊志參引吳志

種稻清明前樂事我能數毛空暗春澤鍼水聞好語分  
秧及初夏漸喜風葉舉月明看露上一一珠垂縷可謂  
苗而秀矣淦水鄉六餘多山田投種穫稻微分先後水  
田插秧差早穫稻如之蘓注云稻初生時農夫相語稻  
鍼水矣鍼水之法投種之後決去其水晒之三日使泥

作龜坼紋引水灌之稻芽經夕便青山田之稻投種卽  
不可晒晒乾則牢不可拔陸放翁詩泥融無塊水初渾  
雨細有痕秧正綠殆謂此也 施注蘇詩參引放翁集

雞鳴夜績謂之雞鳴布東方未明布僧列屋布如北  
方曉帟布之佳者一疋值千八百文鄉人入城賣布城  
門未啟坐守以俟漏殘啁唧笑爲蝦蟆更東坡云草木  
之長皆在昧明之際凡人五更失睡則面色黃瘁肝血  
失所養也故不得睡者爲打蝦蟆更然杭城記五鼓已  
畢再打六鼓爲打蝦蟆更楊誠齋詩天上歸來有六更

婦以蠶織爲事無才爲德而危急存亡之秋又才以濟德也城南羅氏婦勤於蠶績少而寡夫病瀕危問之曰若以直稱我死若嫁耶氏曰許身先許心若欲我許身耶許心耶曰許心耳然則盍俟諸曰誰能忍死而久俟也夫卒氏三年不笑亦不戚休其蠶織或問之曰十指之功安能活八口之命吾其爲百指計可也於是銖積寸累酌盈劑虛以致富歲除夕必潛詣夫靈擊磬一聲拜且泣曰我爲若又一年矣歲率以爲常年五十子婦

已成立夜深分歲家人復舉前磬以待擊氏笑曰毋須吾乃今知免矣按漢書李善傳善爲李元蒼頭建武中元家疾沒唯孤兒續諸婢欲殺續分其產善深傷李氏而力不能制乃負續逃去自哺養乳爲生漣後瑕邛令薦善行狀辟公府過李元冢拜泣甚悲曰君夫人善在此傳言男智莫如夫女智莫如婦羅氏婦智以成仁歟  
參引後漢書

雇役有長募短雇法以歲計日計皆謂之客作歲計者則忠於所事視若家人非有吉凶之事不能給假也其



去率以小除日俗於是日掃塵具酒食以勞其終歲之勤動客作之不能終歲者羣誦之曰渠已掃塵矣小除夜照田蠶擊如願點耗虛聽犬吠以下吉凶

荆楚歲時

記

乾隆己卯年重修城垣之役首士廖峻身肩其勞督役頗嚴而羣下服其指揮畏若師保淦舊志稱淦土穰地廣民物蕃阜貢賦征徭倍於他邑而事恒先集江右所統數十邑未有能過之者

舊志周敘序

淦俗奢儉頗得其中國初士大夫多服紫花布袍履綦

皆布北齊書楊愔傳愔曰此縑出自內人機杼黃山谷詩垢襪春汗黑俗儉而文猶然可想靜志居詩話劉宗周家居恆服紫花布衣士大夫爭效之布爲長價

明詩

綜

食物之美曰黃雀曰白醪一謂之梨花白卽今之冬水白清江劉永之詩市南美酒梨花白最憶青絲繫玉壺水多味薄市以三錢則失古法矣梅都官詩白醪燒甕美黃雀下田肥楊誠齋作黃雀醴云賣身不值程將軍却與彭越俱策勲平生學仙不學禪剗心洗髓糟床邊

新法集志  
是糟之味美也

參引誠齋集

烏骨雞雛黃雞皆可以治疾作膳雄雞則發風動火爲病家所禁斂之則名線雞鄉俗斂雞用小刀去其勢旋縫以線不線則創口易開線之則創口愈密飼久愈肥然線雞之名初不因線縫謂別色成羣爲一線耳見於戴復古詩云區別鄰家鴨羣分各線雞註謂閩雞一線作一羣各線則別作一羣

石屏詩集

傳柑令節富家多以酒食珍異相餽遺東坡云貧者謝不能微質出春磨屑稊搓酥謂之元宵子或以水煮之

謂之浮圓子周必大平園集星燦烏雲裏珠浮濁水中歲時編雜詠附此說家風新淦則呼爲水銀子按水銀草卽鼠耳草也一名茸母苗長尺許似馬齒莧而細有微白毛花黃江西人呼爲鼠耳北方生於禁煙節極南地煖上元節已抽莖而出採搗擠汁揉合雜和青翠之色欲流柔嘉且韌經宿不易味亦土物中之佳品宋徽宗陷遼詩茸母初生認禁煙卽此草

本草綱目

鄉曲婦人孺子皆慎生命每見醫士輒相慰勞曰父母心然此語亦有所自勝國之初有劉先生者擅其術鄒

輔星訪之題其室曰籠內君臣藥人間父母心至於左手檢方右顧金兩手雖殊皆劍戟則如近世醫來寇至之謹矣

參引輔星集

新淦娶婦彩輿將至父母必命子出門探望謂之望轎此猶親迎之遺意也婦至降輿以帕或綾紗蒙其首其禮不知起於何時杜佑通典曰婚媾王化人倫之本拜時之婦禮經不載自東漢魏晉及於東晉咸有此事按其儀或時屬艱虞歲遇良吉急於嫁娶爲此制以紗縠蒙女氏之首而夫氏發之因拜舅姑便成婦合卺復垂

其禮此儀容之弊法而今遂爲通行矣

彙書

鄉人婚娶重族望問名必曰門戶相當否新婦入房合卺後盛飾拜天地祖先行交拜禮拜舅姑次拜夫之長屬親戚故舊故有拜客之名拜時非親非舊亦列於庭以覲婦容謂之看新婦

懷秋集

淦俗婚配無力之家多廝養媳大婚成禮謂之檢攏新婿過門呼爲嬌客然此風不始於近代宋時已然黃山谷詩云污泥解作白蓮藕糞壤能開黃玉花又曰婦翁不可搗王郎非嬌客淦諺語有祇圖妻子樂何惜婦翁

爲任淵注黃集云後漢第五倫傳光武戲謂倫曰聞君  
爲吏笏婦公寧有之乎

山谷內集

鄉俗迎神多以鼓聲爲節正月謂之元宵鼓五月謂之  
端陽鼓七月謂之中元鼓十二月則謂之臘鼓臘鼓烏  
春草生中元南市試燈更深人靜鼓聲徹於十里而端  
陽龍舟易爲綵紉謂之乾船闢巧爭奇金碧絢燦殊爲  
敝俗然此風不獨新淦清江其始事也宛陵公神船行  
云塵飛處水東去梅花已落江臯路年年賽社不愁貧

典衣又辨蕪田賦

參引愚山集

祥符未毀以前道流祈禳之術頗行有某道者矮而胖  
嗣其教致富投正乙真人署以道職行招魂法夜三鼓  
星冠象簡袍服當道有巡捕者於月影燈光下遙見之  
詫問曰彼何人某懼持簡障其面徐答曰乃卑職也聞  
者莫不掩口按丹林之官始於徽宗神霄萬壽之名遍  
天下天書雲篆務以惑人道流皆加冠服何得一輩皆  
侍宸羽客之流共爲神怪者也

參引宋史林靈素傳

淦俚語有船趨之談蓋含怒意訾笑人爲風所吹也東  
坡船趨風詩引吳中梅雨旣過颯然清風彌旬歲歲如

此謂之船趨風三旬已過黃梅雨萬里初來船趨風殆謂中其風者為船趨

東坡詩抄

落離蓮離落蓮歷歷落落太平年此市井歌謠合唱之尾聲乃花開蓮花落之同調也王元美高自標舉評論諸家嘗謂唐六如曰伯虎棄落之餘務諧里耳如乞兒唱蓮花落矣其少時亦復玉樓金塔

靜志居詩話

五月靈誕天符帝人人捲却舊棉被七月迎來張大王一番雨過一番涼九月羅拜郭令公家家準備火爐烘此即夏至數九之謠按冬至數九云一九二九相招不

出手三九四九沿河看柳五九六九尋親探友七九六十三行人脫衣衫八九七十二猫犬行陰地九九八十一犁耙一齊出

廣羣芳譜

卑幼敬其長上吉凶之禮每服襴衫奕葉清門以此為貴士子初補學官弟子製為襴衫或苧或絹其服儒雅相傳其製始於明之孝陵二十四年三易其式而後定用玉色絹布為之皂緣繫帶今則易以藍無用布者

明

詩綜

淦鄉俗家有喪事每弔客至鳴鼓為信按吳隱之傳早

丁父憂事母孝謹及其執喪哀毀過禮家貧無人鳴鼓每至哭臨之時恆有雙鶴警叫及祥練之夕復有羣鴈俱集時人咸以爲孝感所致乃知此俗在晉固然矣

秉

器續談

喪祭雖未盡合古經富者不受賻卽貧者亦不願受他人之惠以爲殯殮延僧道做七做中元此牢不可破之習也父母有疾爲子者皇皇然衣不解帶疾度不起受遺訓書而藏之友之尊而密者同受遺若師保然倘背棄信誓則覲顏無以自立於士林故淦之月旦視他邑

爲尤激切以牲醴來祭答以布帛棺以杪枋墳以磚石富者納雄黃朱砂貧者納灰炭擇地之可葬者告啟期擇日開塋域祠后土穿壙刻誌石造明器大舉功布作神主告遷柩於廳事親賓至賻奠厥明設遣奠遷柩就舉祀奉魂魄升車發引乃窆

文公家禮

堪輿擇地之術本於晉郭璞所著葬書二十篇後人附會之說蔡元定常去其十而存其八後世言地理者此其祖矣江西之法肇於贛人楊筠松曾文迪賴大有謝子逸爲說專主於形勢溯其說者或妄希貴富或拘牽

忌諱多致不循古禮以葬三孔之先本田家翁常步行入巖谷間少憇覺和氣煥然心甚愛之已而忘歸近暮家人尋至其地問故翁曰我覺此山中氣暖與他處異若我死當葬於此踰年而沒其家從其言後遂生司封君再世而生經甫伯仲其地今在新淦縣之西岡

青巖

叢說叅引春草堂集

正月諺語占候元旦暗早稻齊著塲元旦至十二日每日取水一瓶稱之一日主一月其日水重則其月雨多輕則少又元旦宜暗四邊天大雪紛紛是早年此與元

旦雪百穀豐所占微有不同

農圃六書

二月諺語占候未曾驚蟄先雷鳴四十九日半陰晴社公要晴社婆要雨社公不喫乾糧社婆不喫舊水

圖史

三月諺語占候三月三九月九無事勿向江邊守光清明暗穀雨雨打墓頭錢今年好豐年

萃芳譜

四月諺語占候穀雨立夏漂犁泊耙樹無梅手無杯五果生於五穀

田家五行志

五月諺語占候芒種火燒天夏至雨連綿日暖夜寒東海也乾

五雜俎

六月諺語占候小暑將大暑割六月霧要雨待白露

圖史

七月諺語占候開眼秋物物收朝立秋涼颼颼暮立秋

熱到頭

五雜俎

八月諺語占候八月中秋夜益沉繳起金車上陸程

陸

程一云是六塵

中秋矇矓月雨打上元燈白露有雨蔭

焦禾分後社米粟遍天下

農圃六書

九月諺語占候九月重陽柑子蜜黃師曠占米穀以九

月九日爲本自一日至九日以日占月遇此日大風則

來年此月穀貴

圖史

十月諺語占候十月無霖落高田不用作十月初一晴

柴炭灰樣平河射角好夜作言夜長可補日短也

師曠

占

十一月諺語占候冬至霜白夏至田圻十一月風氣多

與六月相應煖火向一爐煖酒餉一壺乾冬溼年坐了

種田

嘉興志

十二月諺語占候一年又一年買那處庄田貧兒致頌

富室之詞長長成成做個好人長者勞勉卑幼之詞爆



竹聲心易驚窮苦無以卒歲之詞兩春夾一冬無被煖  
烘烘兩春夾一冬牛欄九處空除夜不犬吠新年無疫  
癘 五雜俎

俗傳賽會歌謠

人日歡場好賽神康王祠畔鼓振振就中只有扶犁叟  
早引春牛試吉辰 正月

燒燈過後又朝雷快活生涯寶押開大石橋頭茶酒便  
穩晴天氣典衣回 二月

插柳門庭舊俗仍南山雷雨勃然興誰家稻種投陂滿

恰坼龜紋活水蒸 三月

四月餘寒麥報秋香傳餅餌綠如油蘆芽已老河鮑罷

打麥江鄉薦麥 幼四月

竹龍又替水龍船鬪巧爭奇色色鮮笑殺城東王畢節

聽人齊唱落離蓮 五月

日午鋤禾汗似漿倉箱有慶雇丁忙兔園夫子嗟何事

漫捲詩書喜欲狂 六月

中元南市試燈初鼙鼓聲搗响疾徐大家拚費金三盞

聘取村優當說書 七月

豐年佳節餅如盤兒女青紅月夜闌一事關心頻問訊  
木棉花溼露成團

八月

閉閣聽經不作忙不知風雨近重陽祥符道士工焚誦

一朵紅雲降玉皇

九月

白炭黃柑并綠醅小春時候集江隈青原寺裏光明佛  
只問廬陵米價來

十月

冬至陽生感倍虔霜庭稽首淚洏漣士貧只病供牲殺  
何處能營負郭田

十一月

何物佳兒號寧馨百忙時節聘娉婷雙星度罷春星動  
又喜人家拜歲星

十二月

新淦縣志卷十二

土產 目錄十一條

- 五穀
- 蔬產 附蔬產
- 果實
- 樹木
- 花卉
- 藥品
- 走獸
- 飛禽
- 鱗甲
- 昆蟲
- 山石 錦布附

新淦縣志卷十二

土產

取土物而疏釋之亦民生日用之要也首疏五穀食  
爲天也次疏菜果歲備儉也疏豫章儲良材也疏花  
卉儲藥物也疏牛馬志耕戰也疏禽魚志燕享也虎  
豹不疏惡害民也珍禽文魚不疏戒玩好也疏石志  
梁道也疏虫志生機也疏布縷志被服也作土產志

五穀

粳 李時珍曰粳乃穀稻之總名以晚稻爲粳者非有早  
中晚三收六七月收者爲早粳八九月爲遲粳十月

收者為晚粳其種近百各不同俱隨土產而異也  
晚粳氣涼色白入肺早粳得土氣南方氣熱性溫赤  
者益脾胃者益胃新淦大約春社前後浸種最早者  
名鶯鶯種立夏前後蒔秧謂之栽禾有一種米最  
早熟者謂之五月早羊鬚粘救公饑五月賽會迎城  
隍神則新米入市矣晚粳八月熟者名八月白九月  
熟者名冷水白二種為白晚粳之上品有名種禾紅  
者其米又分精粗二種蘇軾詩翠浪舞翻紅穉極是  
也吐血不止陳紅米泔水溫服

稻

一鍾日三次即止 普濟方  
一名秣一名糯物理論所謂稻者漑種之總稱本草  
則專指糯以為稻字林云糯粘稻也秣不粘稻也秣  
糯相類以粘不粘為異當依說文以稻為糯為是古  
人釀酒多用秣秣乃糯粟故諸說論稻往往費辯也  
其穀有紅白二色米亦有赤白二色或有毛無毛新  
淦有早糯六月收作酒味永有大糯九月十月熟粒最  
長大最白可炒為爆花糖粘為團有桂花糯八月熟  
有石殼糯即虎皮糯久洩食減糯米一升浸一夕炒

研入山藥一兩每晨入白糖胡椒末少許滾湯調食  
久服補脾煖精止洩鼻血不止炒黃為末新汲水調  
下仍吹少許入鼻  
極驗 簡要方

和

即占稻早稻也先熟而鮮明故曰和自占城來故曰  
占似粳而粒小處處有之高仰處俱可種稈治反胃  
燒灰淋汁殺蟲取覆厠坑多年陳久之稈洗淨煎湯  
治膈脹不食解牛脯毒 普濟方

小麥

一來二麥秋種冬長春秀夏實具四時之氣止煩  
除熱養心肝心之穀也故收汗止血浮麥即水淘  
淨起者 焙用

大麥

一名牟麥苗粒皆大於來牟亦大  
也通作麩磨麩作醬甚美

蕎麥

一名烏麥立秋下種性最畏霜赤莖白花久食動  
腸和肉食落鬚眉能去五藏沉積滓穢最降氣寬  
錢入蓬砂一錢研末酒服半錢治噎膈食不下 經

稷

稷與黍一類二種粘者為黍不粘者為稷稷可作飯黍可釀酒猶稻之有梗與糯也今俗通呼為黍子不復呼為稷矣苗似蘆其粒疎散成枝

黍

稷之粘者為黍粟之粘者為秬粳之粘者為糯此出江東北東雖有而非土宜記勝之云黍者暑也待暑也待暑而生暑後乃成也菰葉裹成稷食謂之角黍以黍雪桃取其粘也

粱

粱即粟也穗大而毛長粒粗者為粱穗小而毛短粒細者為粟苗俱似茅今通呼為粟而粱之名反隱今人專以粱之細者名粟粘者乃為秫不粘者為粟北人謂之小米

秫

一名糯粟北人呼為黃米釀酒汁少於黍米

玉蜀黍

似蜀黍而肥矮子亦似薏苡苗心別出一苞如棕魚形苞上出白鬚垂垂苞拆子顆顆攢簇黃白色可炒食炒之拆成白花

蜀黍

一名高粱如蘆荻粒大如椒紅黑色稍可作帚可養畜作酒備荒以上俱本草綱目

大豆

有黑白黃褐青斑數色大小兩類黑者名烏豆入藥作豉黃者榨油作腐豆煮汁止痛散結逐水除胃熱豆解百藥毒必加甘草其驗乃奇黑豆二合炒焦熟白酒一大碗煎至七分空心服治孕婦腰痛如折一名豆淋汁一名

紫酒 生 生 編

綠豆

水浸生白芽為菜中佳品製粉功用甚廣有觀音夢授散同金銀花煎服名金豆解毒湯治疫瘧瘋瘴 東峯說疫

豌豆

苗生柔弱如蔓有鬚開小白花如蛾形子圓如藥丸磨粉甚白膩百穀之中最為先登

蠶豆

豆莢狀如老蠶蠶時始熟二月開花如蛾紫白色結角連綴如大豆楊萬壽翠莢中排淺碧珠名因

蠶繭一  
絲綉

豇豆 開花結莢必兩兩並垂子微曲如腎吳偉業詩錦帶千條結銀刀一寸齊楊萬里詩晚紫豆花初總角

菹豆 一名蛾眉豆沿籬豆花有紫白二色莢生花下其莢凡十餘樣白露後更繁衍止洩消暑除濕熱化

清降濁生研絞汁解  
砒霜毒 永類方

刀豆 以形命名各可蜜饒醬食子下氣  
歸元燒研調服止呃逆 時珍

黎豆 老則黑而露筋如熊指爪之狀子淡紫色有斑點  
莢有白茸毛溫中益氣 時珍

白豆 卽飯豆新塗呼爲白眼種味甚甘平可作醬作腐  
復可拌作粥飯四五月種之能殺鬼氣助十二經

豚煮食利五臟  
下氣 日華

胡麻 一名脂麻巨勝莖名麻蕒亦作稽脂麻謂其多油  
也有遲早二種黑白赤三色其莖皆方胡麻性與

伏苓相宜九蒸九晒搗餌斷穀黑者通腎潤燥療痔  
同連翹爲末頻服消瘰癧麻油塗諸虫咬傷夫婦同  
種則茂本事詩胡麻好種無人  
種正是歸時又不歸慎微本草

蔬蔬

芥 俗呼爲春菜性能耐寒有耿介之操故名芥自冬徂  
春故呼爲春一介之微若甚草草然可以禦饑歲新

塗家蓄而戶植之至春仲蒸而戾之曰乾菜鹽而醃  
之曰鹹菜取其魁味美於蘿白摘其莖香逾於椿芽  
可葷可素入茶入酒圍蔬之上品士農之家珍咬得  
菜根則百事可爲也陰症傷寒腹痛厥逆芥菜子研  
末水調貼臍上卽愈眉毛不生芥子半夏等分  
爲末生姜自然汁調搽數次卽生 集效方

菲 濱江之處土瘠民勤地屬沙滴居人鮮春糧多藝豐  
本以自給疎畦小坡土軟春酥芽黃滿把新香撲鼻

萋蒿滿地蘆芽短何足以方此也當一葉報秋之初乃菲花逞味之始楊少師帖云云更不貴肥腴矣五月五日午時取萋葉搗汁水入石灰杵和極細為團風乾久藏研末止金瘡出血合口如神漆瘡作痒萋葉杵傅即止斗門方消渴引飲無度用萋苗三五兩作羹勿入鹽吃至十斤即效過清明勿吃秦憲副方

蕓薹

一名油菜薹心為世所噉子可榨油三月開黃花王士正詩蝶影蜂聲滿菜花

菘菜

一名白菜四時常見有松之操其色青白一類數種有美與不美小兒赤遊丹行於面上若下至心即死白茶搗傅即止子作油長

髮塗刀劍不縮 陶宏景方

莧菜

陸佃云莧之莖葉皆高大而易見故從見不可與體同食六莧並利大小腸白莧補氣除熱滑胎蜈蚣傷人取灰莧葉擦之即愈小兒

緊唇赤莧打汁洗之良 聖惠方

馬齒莧

一名長命草九頭獅葉大者不堪用能治多年惡瘡脛腫嫩痒用之即瘥見唐李裨兵部手集

馬咬傷人成瘡煮食之即愈一治熱淋寸白虫風齒痛項上瘰癧未破同葶花打摻日敷三次即消毛虫刺人赤痛搗熱封

之妙 靈苑方

蕪菁

一名蔓菁一名諸葛菜夏初起莖開黃花時珍曰蕪菁是芥屬子為油燃燈甚明新淦人呼為辣菜

子女始乳生蔓菁根打和鹽醋漿水煮汁洗之或和雞子白封之亦愈食療方生取汁飲止鼻血王士正詩掘將帶露和根煮

也似東坡玉糝羹

菜

一名蘿蔔能制麪毒南北皆有白而脆者宜生啖大者重至五六斤或一秤夏月復種者形小而長

下氣消痰止渴治肺痿吐血治噤口痢解酒治豆腐積失音煙熏欲死塗湯火傷痢後腸痛偏正頭疼諸

淋白濁喉痺脚氣浮腫東坡云氣飽風露味含土膏種菜至樂也

芋

一名蹲鴟芋猶吁疑怪貌芋子滑有小毒瘡冒風邪腫痛白芋燒灰傅之乾即易頭上軟瘡搗敷之乾即



甘藷 剝去紫皮肌正白蒸切晒乾收以克  
糧為藷粉健脾強腎同山藥 時珍

竹筍 諸竹筍皆甘寒無毒乾者燒研入鹽擦牙疳筍為  
美蔬楊萬里詩斑衣戲綵春無價玉版談禪佛不  
如

蕪菜 以蕪而成故謂之蕪解野  
葛毒取汁和酒治產難

胡葵 一名蘆葵可以香口也八月下種晦日尤良道家  
五葷之一辛溫微毒痘疹不出作酒噴之辟肉魚

毒然兒壯實春夏晴煖之時及胃中熱毒熾盛者不  
可用一治肛門脫出燒煙熏之種胡葵作謔語則茂  
王士正詩晚涼共坐池塘  
雨聽撒胡葵又一巡

苦蕒 斷之有白汁花似野菊一名天香菜病痔者宜食  
治疔殊效採青苗陰乾為末水調傳之亦治對口

瘡 經驗方

蒿芎 自高國來故名有毒百虫不近蛇觸之則  
目不見蒿芎煎酒治乳汁不通 海上方

菠薐 一名赤根菜種子時須研開浸脹必過月朔乃生  
大便瀉者宜常食以養竅其根與雞內金為末米

飲日服一錢止  
消渴 經驗方

葱 一名芘中有孔也葼薤葵藿葱五菜也素問云五穀  
為養五菜為克所以輔佐穀氣疏通壅滯也有冬葱  
柔細而香無子有漢葱一名大葱粗硬春末開花結  
子葱自治傷寒頭痛小兒無故卒死取白納入下部  
及兩鼻孔氣通或  
嚏即活 經驗方

蒜 味辛性熱不可長食治惡核腫結  
蚰蜒入耳背瘡灸法 肘后方

薤 一名藟子葍子葉中空而有稜花紫根如小蒜可煮  
食醋浸一種生麥原中者葉小辛苦溫滑善散結氣

治胸痺刺痛誤吞釵銀晒萎煮  
熟切食一大束隨出葛洪方

同蒿一名蓬蒿最易蕃茂辛平  
無毒養胃消痰思邈

薑禦濕之菜其尖微紫名紫薑處處有之淫產以上寒  
為勝嗜薑久積熱患目糟薑入蟬脫則無筋藥中之

用薑棗辛甘相合一以味一以氣勝專行脾之  
津液而和營衛不獨主於發散也成無已

薺一名碎米薺師曠謂歲欲豐甘草先生即薺也冬至  
後生毛二三月起莖開細白花詩邸風其甘如薺能

和肝氣明目潤血燥已瘡疥蘇軾謂天生此物以為  
幽人山居之祿不可忽也高力士詩兩京作斤賣五

溪無人採  
明皇雜錄

甜瓜味甘瓜王貞云瓜類不同其用  
味甜於諸瓜故一名甘瓜西瓜是也供菜者為菜

瓜胡瓜越瓜是也大曰瓜小曰瓠子曰瓠肉曰瓠其  
附日環謂脫花處也其蒂曰瓠謂繫蔓處也藥品所

云瓜蒂即甜瓜蒂也名瓜丁能  
去胸膈痰涎水氣仲景

西瓜南方味不及北有長至二尺者甘寒  
解暑解酒有天生白虎之號汪穎

茄一名落蘇隋煬帝改茄為崑崙紫瓜有紫有黃有白  
有青入藥用黃老裂者燒灰治婦人乳裂補遺方

瓠一名瓠瓜與冬瓜氣類相同小  
者名瓠蘇軾詩蒸瓠如蒸鴨

冬瓜經霜後皮上白如粉塗子名白瓜子瓜練如絮打  
汁服止消渴治十種水氣截合瘡上治發背毒

肘后方

南瓜結瓜正圓皮上有  
稜或綠或黃或紅

稍瓜一名越瓜可糖餞醬糟以克茶  
食燒灰可敷陰莖瘡孟詵

黃瓜一名胡瓜今俗以月令王瓜生即此誤矣王瓜土  
瓜也黃瓜二月下種葉如冬瓜有毛五月開黃花

結瓜至尺許皮上有癩點老則黃多食動瘧令人虛熱上逆入芒硝陰乾為末治喉腫火眼壽域神方

絲瓜 老則筋絲羅織可漉釜器能通絡脉固氣和胎 生生編

苦瓜 以味名瓜內有紅瓤裹子除熱清心明目 生生編

王瓜 一名土瓜公公鬚月令王瓜生即此其根作土氣瓜似雹子熟則色赤根如括樓根之小者入土二

三尺乃得正根苦寒療熱下乳治瘀血吳偉業詩齊民編月令瓜瓞重王家

果實

栗 但可種成不可移栽內寒洩瀉食煨栗二三十粒則止栗於五果屬水水潦之年則栗不熟物類相應也

九月霜降乃熟事類合璧茅栗細如橡子樹小而葉不殊秋實冬枯為異錢陳羣詩劈開新蠟樣脫手小

金丸

柿 處處有之甘寒引痰日曬乾者食多動風同蟹食害人惟木香可解善解桐油毒人之陰氣依胃為養土

傷則木挾相火直冲清道而上或作欬逆柿蒂瀉而平主欬逆

梅 多食損齒發膈上痰熱食梅離齒嚼胡桃肉解之同韶粿食則不酸殺重烏梅能蝕惡瘡弩肉一夜立盡

無癥劉涓子鬼遺方

桃 肝者血之源血聚則肝氣燥桃仁煖肝散血亦治小兒爛瘡腫痛起漿似火瘡桃仁研爛敷之 秘錄

李 李類甚多新淦有麥李小而肥核不入藥可蜜餞點茶小兒丹毒從兩股走至陰莖頭用李根燒為末旋

以田中流水調塗即愈 千金方

梨 有青黃紅紫四色其品甚多必須棠梨桑樹接過者則結實早而佳新淦所產多粗瀉止可蒸煮切烘為

脯耳佳者潤肺涼心消痰降火治風解毒為益不少取葉搗汁服解菌毒 吳瑞方

橙皮可糖製蜜餞解酒消痰下氣隔年風乾者燒烟可熏痔痛蘇軾詩手香新喜綠橙搓

柑橘新塗柑橘以近水植者為勝水氣上騰可以辟凍色澤而味美

香櫞置之几案可供清玩性溫下氣降痰水連瓢帶皮陳久者用紅糖煎汁可治反胃噎膈

芟實芟音妓別錄菱俗呼菱角三角四角為芟兩角為菱屈到嗜芟是也多食損陽氣痿莖水族中最不

治病之物解暑止消渴本草綱目

銀杏一名白果一名鴨脚其核兩頭尖三稜為雄二稜為雌雌雄同種相望乃結實或雌樹臨水亦可生

食引疝熱食溫肺定喘嗽縮小便治陰虱生毛除肉中作痒不可忍嚼細頻頻擦之自愈長春方

石榴花赤可愛其房多子人多植之其氣溫澆具木水之象損肺生痰榴花塞鼻可止出血皮而水洗愈

浸淫痒痛瘡沈初詩綠葉開紅朵開庭日正長綵絲纏臂後人愛葛衣涼

枇杷枇杷不接則核粗而味澁塗人力穡而疎於種樹故鮮佳果然六月涼如冰熨齒枇杷移陰碧書几

受其美蔭亦自清涼廣羣芳

芴臍原名烏芋有莖無葉其根纍纍下生入泥底與慈姑是二物羊芴臍皮薄澤色淡紫肉脆種以沃田

性冷消堅削積治赤白痢誤吞銅鏡王璆方

櫛子有苦甜二種皮樹如栗冬月不凋子褐色圓而有尖生食苦瀝炒乃帶甘櫛子粒小而白俗名麩櫛

破惡血止洩止渴藏器

山棗生棗甘辛而熱助濕損脾治婦人臟燥悲泣不止棗能生津受氣達黃宮以交離坎滄俗客至以棗

點茶黃庭堅詩日顯曝乾紅玉軟風枝牽動綠羅鮮山谷集

柚子柚皮厚味辛而苦有大小二種大者如瓜實丹者一名朱欒為臭柚可久留柚可糖餞醒酒下氣葉

土產果實九

同慈搗貼大陽穴  
治頭風時珍

**花椒** 椒赤目黑水能制火引諸藥下行治腎氣逆上喘  
急元日獻椒永介眉壽以祈初吉胡椒大辛熱純

陽紅椒閉氣有  
毒本經逢原

**山查** 一名唐棣子多食易饑煮汁洗身止瘡痒愈漆瘡  
化血活血痲瘋氣痛魏禮詩味濇不諧時慎楂類諫

果綿  
津詩鈔

**枳椇** 一名雞距子多枝而曲其子亦卷曲止渴除煩利  
二便功同蜂蜜解酒屋外有此樹釀酒不佳時珍

**長生果** 一名落花生引籐蔓生花落於地根即生實掘  
取篩風炒食香美本經有長生草生石巖下葉

似蕨而細黑如漆二物皆被此嘉名樓鑰  
詩我欲餌之求久視恐君靈已不靈人

**茱萸** 處處有之以吳地者為好九月九日謂之上九茱  
萸至此日色赤氣烈可折以插頭辟惡老人病泄

脾虛風客於胃謂之水土同化泡吳萸三錢入水煎  
加鹽少許服萸能煖膀胱水道既清大腸自固他藥

雖熱不能分解清  
濁也經駢方

樹木

**樟** 木多文理一類二種紫淡二色舩船多用樟木塗人  
取樟之年久盤錯者鐮板製屏障几席有雉斑紋雲

月山水異狀殊芳馨可觀樟木煎湯治疥癢根皮削  
屑傅金瘡止血莖葉置門上辟天行時氣本草綱目

**楊柳** 楊枝硬而揚起柳枝弱而垂流故曰楊柳蒲柳即  
水楊蕊黃為花花落結子成絮絮可貼瘡止血錢

陳羣詩倘似木綿花可採人間寒女好裝衣柳一  
名觀音柳細葉如絲婀娜可愛小幹弱枝治兒疹不

出種  
痘新書

**楓** 葉作三脊霜後色丹脂名白膠香治諸瘡  
口不合同輕粉二錢猪脂和塗直指方

桐 花紫色者子大有油為油桐無實者為青桐桐葉煮汁漬治手足浮腫加小豆尤妙 聖惠方

桑 子名榘桑之功最神資用尤多榘治癩癧結核葉可代茶止消渴洗風眼下淚海上方桑枝同益母草煎膏酒調治紫白

癩風 聖惠方

柘 有刺喜叢生飛絲入目 柘漿點之 綱目

楮 一名穀白汁如乳實治目昏難視同 荆介蜜九嚼食下荷湯下 易簡方

枳 疏見 藥品

欒 其幹正直無枝其皮有絲毛取縷大為時利欒等 煮晒為末酒下一錢治大腸下血 集簡方

烏白 其木老則根下爛成白子可壓油 為燭根白皮治暴水癢結 唐本草

柞 木堅可為鑿柄皮 催生利竅 時珍

竹 竹類甚多各以時出小曰箬大曰簞有虛中有實心非草非木不剛不柔處處有之瀝之出於竹如血之出於人身清火補陰熱而有痰者宜之 本草求真

椿 香者名椿臭者名檮檮木疎椿木 實嫩芽可茹消風祛毒 生生編

棟 實名金鈴子蛟龍畏棟五 日取葉佩之辟惡 宏景

槐 疏見 藥品

木棉 有草木二種禹貢鳥夷卉服厥篚織貝別於蠶綿耳南史所云林邑吉貝吳錄所云永昌木綿皆指

草本之木綿可為布者而言 宋末始入 江南利被天下棉子油治疥 時珍

櫟 一名榘秦風山有苞櫟大雅 瑟彼柞械民所燎矣柞

栗之屬不材之木其實為櫟 其蒂有斗包其半截其

仁如老蓮子肉高者二三 丈可為薪炭 古今注

松 葉有兩鬣五鬣七鬣之別松脂煎膏生肌止痛殺虫  
刺入肉中傅上自癢松葉屑丸治惡疾同冰糖浸燒

酒色翠香美松節治  
百節痛風 宏景方

柏 柏字從白陰木而有貞德白西方也柏之指西猶針  
指南柏實潤肝養心熬油搽黃水濕瘡柏葉治吐血

血痢月水不斷同炙芍藥等分每用  
三錢水酒各半煎服良 聖濟方

杉 一名杉木不及蜀黔所產  
其節煮汁浸搗脚氣尤效

桂 花白者名銀黃者名金紅者名丹四季花者  
作膏蒸露生津化痰收茗浸酒澤髮 時珍同上

花卉

白鶴花 產新淦玉笥山中頂翅翹然類雀元劉誥詩除  
却青青三四葉月明滿地却全無入藥未詳治

效

茸母草 一名鼠麴花如麴色生於平岡下地葉似馬齒  
莧而細有微白毛新淦鄉風上元節採其莖葉

搗和糯米粉作元宵子別錄  
云大升肺氣止洩除痰

木香 灌生條長有刺開於四月望若香雪宋劉  
敞詩粉刺叢叢鬪野芳以下俱羣芳譜

刺蘼 灌生多刺葉圓細而青  
狀似玫瑰大而無香

酴醾 藤身灌生青莖多刺卽木香花綠樹倚籬萬條如  
雪而香三四月開宋蘇軾詩酴醾不爭春寂寞開

最晚

薔薇 叢生多刺新淦鮮紅薇而有黃薔薇十姊  
妹唐李白詩不到東山久薔薇幾度花

金沙 似酴醾其花單瓣中心著黃粉如金紅艷奪目子  
名營實千金方其根可治消渴尿多又治口瘡小

兒遺尿

月季花 一名月月紅有深紅淺紅月白三種宋楊萬里詩一尖已破胭脂筆六出猶苞翡翠絨花能活

血搗敷腫瘍痘疹若觸婦人月經之氣而陷者加入湯藥即起

蜀葵 一名一丈紅俗名淑氣花花有深紅淺紅白黑重臺單瓣五月繁華無過於此花小如錢者名錦葵

取紅色單瓣者其根陰乾治帶下排膿血惡物極驗

黃蜀葵 一名側金盞葉尖狹多缺刻心有紫檀色且開則自綻治小便淋及

催生為瘡科要品

茉莉 產贛州魚苗風至聯船載下錢陳羣詩與蘭添婢

不知痛素馨花似茉莉而小有黃白二色四瓣細瘦

凌霄花 詩云若之華紅黃色緣樹而生醫學正傳凌霄花為末酒服一錢治通身風痒

映山紅 一名杜鵑黃杜鵑名關羊花莖高三四尺有毒

梔子花 簡易方梔子燒灰吹鼻中衄血有效

剪春羅 花六出大如錢周迴如剪鮮紅治火帶瘡遠腰生者採花葉調蜜塗之

石竹花 一名瞿麥俗呼洛陽花治小兒蛔虫吳偉業石竹詩丹纈好描秦氏粉墨痕重點石家螺

鴈來紅 一名老少年十樣錦以葉代花宋時楊萬里詩開了原無雁看來不是花

芍藥牡丹 牡丹鮮千葉異品即曹州移至不二年仍成單瓣芍藥種亦不豐

蘭蕙 一葉一花開於初春一幹十數花者則皆嶺產漳產絕無滄東南地氣較煖家種頗豐美經冬可不

必入

荷藕蓮實 處處陂塘有之多殖礙魚不秧而生故鮮肥藕查慎行蓮藕詩未免有情絲宛轉為誰心



苦竅 玲瓏  
紅梅 千葉深紅來自閩湘金陵優於色香花開時摘其  
半含者烘焙貯藏用以點茶一花泛泛清泉碧葉  
間

白梅 多單瓣少千葉更少綠萼然老幹虬枝偃蹇  
欹斜江鄉籬落露半面垂垂欲笑則春來矣

瑞香 一名麝囊冬春之交開花范成大詩一叢三  
百朵細細折濃檀蒸露醒酒澤髮 翠芳譜

蠟梅 馨口檀心扞插皆活元耶律楚材詩  
枝橫碧玉天然瘦蕾破黃金分外香

茶梅 花如鸞眼錢粉白心黃開於十月有粉紅者則為  
海紅翠芳譜劉仕亨詩半深半淺東風裏好是徐

熙帶 雪枝

山茶 寶珠為貴滇嶺移來亦活深紅軟枝分心卷瓣者  
上為末入生薑汁童便治吐血下血鼻血

菊 名目至多命名隨意此外有冒菊之名者藍菊  
萬壽菊僧鞋菊西番菊孩兒菊雙鸞菊扶桑菊

水仙 有金盞銀臺之名花瑩韻而香清  
幽亦有紅花者治瘰腫及魚骨鯨

玉蘭 一幹一花皆著木末絕無柔條花落蒂中抽葉明  
王世貞詩暫借辛夷質仍分薝蔔光朱彝尊玉蘭

詩重重傳瑤粉  
寸寸排銀釘

辛夷 一名木筆紫花紅焰唐白居易詩紫  
粉筆含尖火焰紅胭脂染小蓮花

海棠 新塗有貼梗而少垂絲海棠秋海棠一名斷腸花  
生牆陰秋海棠插瓶其水悞飲殺人錢陳羣詩風

前雨後偏增態石  
畔牆陰倍有情

紫微 一名百日紅怕癢花乃昔貴今賤  
之品唐時省中多植此日紫薇省

紫荊 一名滿條紅張雨詩黃土築墻茅蓋屋門前一樹  
紫荊花能消腫利小便解毒活血

芙蓉一名拒霜善消腫毒惡瘡散血之功花勝於葉宋楊萬里詩喚回春色秋光裏饒得紅妝翠蓋無葉

搗敷貼大陽穴治赤眼腫痛各清涼膏

芭蕉俗謂乾物為巴巴亦蕉意也有美人蕉膽瓶蕉性寒除熱解毒根治癰腫血脹頭面遊風瘡口不合

取汁抹之良蕉三年即有花如蓮瓣宋學士詩密蕊暗依花瓣瓣孤芳倒壓葉層層又僧良琦芭蕉詩得地

初依蒼石瘦抽心欲並綠筠長

木槿處處有之川產者夏白而干葉者為勝陰乾為末治反胃紅者治腸風血痢子治偏正頭風槿根皮

為癰科對口瘡要藥詳張璠本草陳憲章詩旋栽木槿成籬落已得清陰又得花

山礬一名七里香即芸香也葉如冬青不凋三月開細白花可去蚤蠹葉可染黃不借礬力而成黃庭堅

詩山礬是弟梅是兄

萱草一名忘憂宜男鹿慈有紅黃白三種可以薦俎利胸膈除濕熱乳腫痛搗酒服以滓封之楊萬里詩

鹿慈解插纖長柄金鳳仍開最小花

鳳仙形如飛鳳一名好兒女花有飛來紅花從葉上生子名急性子催生下胎花譜

百合三月生苗四五月開花能治百病仲景有百合病方又定膽治悸止涕淚溫肺療嗽宋右丞詩蘋蘩

分子薑雲苗饋萌竹果堪止淚無欲縱望鄉日

山丹一名紅百合似百合莖葉短小其蕊可以傅疔腫活血已崩漏錢陳羣詩怪底朱顏常美好仙家自

有九還丹

雞冠花白者治吐血不止紅者治婦人月經不調紅白並用治赤白下痢詳集簡方王士正詩終憐小

草雞冠紫不及滇茶鶴頂紅

玉簪

二月生苗葉如小團扇其花潔白如玉搔頭根能落齒劉仲永白髮自疎河漢夢一瓶秋水玉簪香

合驩

一名夜合即俗所呼馬櫻花枝甚柔弱葉纖綠似槐五月開花肉紅色散垂如絲至秋作莢結子小兒撮口取花枝煎汁拭之愈皮能已撲損接骨稽康云合驩鷓鴣忿萱草忘憂蔣士銓詩鋤去可離栽夜合

有情花亦  
愛黃昏

藥品

橘皮

氣味辛苦辛入肺而苦入心性主溫散其筋膜似絡脈其皮形若肌肉其宗眼如毛孔乃從脾胃之

大絡而外出於肌肉毛孔之藥也新淦之橘可方江浙嶺表論園買樹瀕水居人藉此以供歲計

香附

味甘性微寒稟溫燥之氣得土金之味主降氣解鬱新淦滄洲產者肥大而良

旋覆花

一名夏菊此草味鹹鹹多潤下而此能治上中二焦為肺大腸之藥仲景治婦人有三物旋覆

湯燒灰羊脂和治月蝕耳瘡高  
啟詩不依寒竹雨欲映午樞霞

茯苓

松脂入地所結今之伏苓皆有蔓可種疑古今異也凡人邪氣鬱結津液不化則生痰飲苓極淡屬

土土勝水疎滌  
合從勝脫出也

山薑

莖葉皆美一名美草與豆蔻花相似治腹中冷痛田震詩雨淋屋塌堆瓦礫墻角殘立山薑花

元參

處處有之二月生苗七月而花八月結子其根一株五七枚與兔絲子名元兔丸能稀痘元者水天

之色故能啟腎精  
之水以上交於肺

苦參

功用與黃連相近而有清濁之分去心府小腸之火為多與茵陳相配能去周身濕痛見李東垣當

歸拈  
痛湯

半夏

半夏塗金瘡則血不復出辛中帶澁能疎能斂與酸不同酸則一於斂辛則斂而有發散之意

雞頭實

生於水中而味甘淡得土之正為脾腎之藥水土相反而此乃相成故足貴也

穀精草

入肝入胃輕浮上行清熱明目亦治喉痺

夏枯草

此草至夏而枯蓋陰氣將盡即成熟枯槁凡盛陽留結之病用此為治亦即枯滅以物秉之氣

候為治也

何首烏

藤蔓之藥皆主肝首烏為益血之品繆仲醇謂其外合於風痢下純血諸藥不效用此如神

益母草

補陰活血行氣功專益精瞳人散大者為忌收小者宜之

車前子

多子之藥皆屬腎腎者人之子宮也專利下焦氣分氣順濕除肢體乃強單一味研末米飲調

服治痢不止

桑根皮

桑皮稟陽明土金之氣刈而復茂生長之氣最盛故多補續之功聖惠方髮枯不澤桑皮栢葉

各一斤煎沐即潤卑桑皮二斤煮去滓類沐自不落髮以五斤煎膏傳墜馬折損為末傳之亦可經驗方

地骨皮

朱二允云地骨皮一物而能兼走表裏瀉肺火而及肝腎金水相潤乙癸同治同紅花研末治

足趾雞眼瘡

金櫻子

楊萬里詩霜紅半臉金櫻子同芡實子為水陸二仙丹治白濁神效一生於水一生於陸甘能

益精澁能止脫

菼蕪草

入肝入腎祛風除濕木合化風風能勝濕透骨搜風

旱蓮草

虞博曰小便瀉血用旱蓮車前草打汁服乃止

蒼耳

治鼻淵鼻癰入肺散風勝濕成廷珪詩五月採來蒼耳子幾時分送白頭人

劉寄奴

破血下脹又能止血集簡方治大小便血為末空心茶清調下

茗 郭璞云早采為茶晚采為茗南方之嘉木新塗自昔亦產佳茗玉筍東皂栖碧諸山不少嘉種雲霧窟宅

新芽一發便長寸餘腴而豐美得水土之力全也陰崖不見日色處茶味清而微苦平原沙土所產

白藥 江西出者葉似烏柏子如綠豆六月變成赤色蔓草也治咽喉腫痛散血消痰白藥朴硝等分為末

吹 蛇床子 蛇陰類也蛇床子性溫熱蛇虺喜臥其中嗜食其子猶山鹿之嗜水龜潛龍之嗜飛燕蓋取彼

之所有以資己之所無故陰痿虛寒者宜之男子婦人陰癢蛇床子一兩白礬二錢煎湯頻洗自愈集簡

方又治男陰腫脹為末 鷄子黃調敷 靴範方

左纏籐 一名金銀籐處處有之陳藏器云一味濃煎治熱毒血痢如神昔人並未言及只稱其治疥毒

乃知古今之理 不同 經疏

木瓜 處處有之以宣城者為佳理脾而伐肝土病則金衰而木盛木瓜能於土中瀉木以助金治轉筋不

止然治轉筋外用搗固法亦捷左足轉則固握右腎丸右足轉則固握左腎丸即止王士正詩灰可藥魚

妨稚子香堪 漬粉教姬人

葛根 一名鹿藿鹿食九草此其一也處處有之宏景曰南康廬陵間多肉少筋甘美最勝治酒醉不醒乾

嘔不息衄血不止俱搗 汁一味服之 肘後方

括萋 所在有之三四月生苗引蔓如甜瓜葉而窄伸景金匱方治胸脾引肩括萋一枚薤白半斤白酒七

斤煮二升分再服加半夏四兩又括萋 仁研末二兩醋調塗赤遊風腫即消

五加 一名追風使一名文章草一枝五葉者佳處處有美也火灶丹毒從兩足起者如火燒燥五加根葉

燒灰取煨鐵之家槽中水和塗即愈 本草綱目

土產 藥品 十八

冬青 亦女貞別種也樹高而茂五月開白花其氣甚劣

色樹大為異冬青子熬膏收瓶埋地中  
七日點眼良王士正詩殘雪落冬青

黃楊木 葉苦平無毒人達生散治婦

枳殼 枳殼只實一物也大枳殼一個去白磨口平用麪

風癩用枳實醋浸火炙  
熨之即消 外臺秘要

烏藥 氣味辛溫亦治孕婦生瘕烏藥五錢牛

紫蘇 辛溫無毒亦治蛇虺傷人風狗咬傷食蟹中毒飛

血出不止用葉搗敷瘡口自合  
血不作膿愈後無癢 綱目

薄荷 蜂薨螫傷薄荷葉按

羊蹄 一名大黃根入夏起臺結子根長近尺赤而黃色

半盃治婦人產後風秘宋朱翌詩云  
羊蹄根老漫溪潯灰蝶間飛興亦深

菖蒲 呂氏春秋冬至後五十七日菖始生百草之先生

水菖蒲不入藥一寸九節者真亦治赤白帶下同破  
故紙炒為末服葉能洗疥根同鹽研敷眼瞼挑針

綱目

槐實 當秋而實得金之令其色黃得金之色性體清肅

肺與大腸之藥清浮遊不歸根之火吞七粒亦能  
催生又治丈夫女人陰痒大明本草

艾 字說曰艾可父疾久而彌善草之可以父病者爾雅

日艾冰臺又曰艾長也歷也曲禮曰五十日艾服官  
政言歷也所歷長所聞眾故也醫人用艾灸一灼謂  
之一壯者以壯人為法其言若干壯謂壯人當依此

數也妊身下血仲景有膠艾湯艾實辛熱療一切鬼  
和乾薑等分爲蜜丸梧子大空心服三丸以飯壓  
之其三尺惡鬼速  
走出 本草綱目

牽牛子

一名黑丑陶宏景云此藥始出田野人牽牛謝  
藥故以名之逐痰飲通大腸殺虫落胎朱彝尊

牽牛花詩涼分銀  
淡水曉映碧羅天

走獸

牛

有黃牛烏牛水牛牛齒有下無上察其齒知其年三  
歲二齒四歲四齒五歲六齒六歲以後每年按脊骨  
一節也牛耳聾其聽以鼻牛黃利痰涼驚治小兒百  
病牛相壁堂欲闊膺廷欲廣豪筋欲就雋骨欲垂插  
頸欲高排助欲密尾不用至地頭不用多肉角欲得  
細身欲得圓眼欲得大口方易伺鼻廣易牽倚欲如  
絆行欲如羊形欲如卷懸蹄欲如八字亂曉好觸龍  
頸突目好跳拳角冷有病毛少骨多有力岐胡有壽

常有似鳴有黃坤爲牛故蹄坼陰病則陽勝故牛疾  
則立牛陰物也故起先後足臥先前足牛走順風馬  
走逆風牛馬風不  
相及 相牛經

馬

馬以西北爲勝易以龍紋乾以馬明坤古者天子乘  
龍諸侯乘馬或云在卦屬乾屬金在畜屬火在辰屬  
午驂駕營伍所重亦謹登於耕戰之列馬肝有大毒  
鞍下肉殺人自馬溺熱飲治反胃消渴疝積 別錄  
羊性善羣於文爲羣一雄爲主舉羣聽之性畏露晚  
出而早歸春夏早放秋冬晚出以瘦爲病故羸字從  
羊六畜之死皆善耗敗而羊爲甚羊性前逆牛性前  
順羊肉多湯劑治產後大虛心腹絞痛崩中垂死五  
勞七傷婦人無乳小兒嗜土  
身面腫浮 詳載時珍本草

羊

壯曰羴牝曰羴子曰羴孕六月而生能別良  
草本經列鹿茸爲中品然用治諸虛有效

鹿

一各地羊犬有三種一日田犬二日吠犬三日食犬  
四尺日癡狂犬日獠在卦屬艮在畜屬木三月而生

犬

熱病後食之殺人白犬屎  
中粟治噎膈 禾類方

豕

一名猪名豕各豚名豕在畜屬水在卦屬坎孕四月而生久食動風發病畜養之閉日因猪脂以十二月上亥日取入瓶埋亥地百日用之良能治瘰癧便秘暴瘡髮癩蛇虫瘰癧口噤又蜈蚣入耳炙肋掩耳自出

猫

一名狸以尾長腰短目如金銀及上齶多稜者為良鼠瘦核腫取猫肉作羹治之相制之義也心下驚癩對口瘡鼠咬傷用頭骨燒服或油調塗 肘后方

兔

孕五月吐而生子故曰兔子從口出故妊婦忌之明月之精得金氣最全反胃結腸常食則大便自行可見其性之寒利屎治目疾勞瘵追虫各明月砂 聖惠

飛禽

鴈

鴈為陽鳥冬南夏北以就和氣以為禮幣者一取其信二取其和也自落翎毛小兒佩之辟驚癩 口華

鷺一名鴨一名家鳧性質木而無他心庶人以為贊白者治虛癆咳嗽名自鳳膏脂調半夏敷瘰癧汁出不止 承

鳧

類方 一名野鴨數百為羣蔽天如風雨瘡 年久不愈者多食之自瘥 孟詵

鷺

一名家鴈有蒼白二色夜鳴應更性能啖蛇辟虫虺發風發瘡血解藥毒毛治風鷺翎灰最殺風瘡中虫又皮內癢疥蟲非此不除載解圍元藪又白斑詩朱櫻青豆酒綠草白鷺村子鷺至四月草肥則羣長新塗慶賀多籠鷺候門黃仁山

鷺鷥

鷺鷥一名鷺鷥雪容春鋤林栖水食鷺一名鷺浮水庭堅詩身閒 輕漾如濕形如白鶴及小雛鷺治虛瘦益脾黃心苦一春鋤



雉 一名野雞 雉有文理故謂之華蟲 周官士執雉 士死制故執雉羽可用為儀 離為雉 離火也 飛不越分域

雞 不再合信也有小毒不可常食 肉治蠟瘻尿治久瘡 時珍 其類甚多大小形色亦異在卦屬巽在星應昴可以辟邪卵生而地產雖為陽精實屬風木陽中之陰也

伏卵以上春種出欄牛試吉辰耕婦科有鳥雞九泰和吉 雷上春種出欄牛試吉辰耕婦科有鳥雞九泰和吉

水諸處為最 滄亦產之

鷓鴣 黑色長喙沒水取魚此鳥胎生從口吐 出如兔吐子頭燒研治哽及噎 別錄

鷓 候鳥也晨鳴如雞趨民收麥行者以為候 一名鷓始由田鼠化終復為鼠夏有冬無

鴿 性淫而易合可以傳書能解痘毒屎燒存注酒 服治冷氣心疼厲太鴻詩高綴金鈴放鴿天

雀 瓦雀一名麻雀其目夜盲冬三月食之起陽 道益精肉和蛇床子熬膏各驛馬丸 蘇頌

燕 一名元鳥巢有艾則不居凡狸貉皮毛見燕則毛 脫物理使然屎丸如桐子大咬之止牙疼 袖珍

伏翼 一名蝙蝠屎名夜以砂治兒疳五癩 燒灰酒服方寸匕下死胎 蘇恭

斑鳩 一名鶉鳩性慈孝而拙為巢雄呼 晴雌鳴雨老者以鳩為杖食之不噎

伯勞 一名鳩小如鴝鵒三月 即鳴四月鳴為姑惡

鷓鴣 一名喚起鳴曰架架格格乃催明之鳥黑 色長尾有岐頭上戴勝月令三月降於桑

烏鴉 南人喜鴉惡鴉烏樂空曠鴉樂稠鬧飛重天將雨 白項者不詳白居易詩九子雖多不羨雅

鵲 一名乾鵲性惡濕能報喜季冬始巢來歲風多巢必 卑下鵲巢取連年重產者燒研服治積年漏下不斷 困篤者一月取 效 洞天錄

鳴鳩 一名布穀一名郭公割麥栽禾脫袴脫袴鳴可為 農候仲春鷹化為鳩王士正吉水道中詩纔過元

宵如上已春山  
處處郭公啼

鷓鴣

一名越雉飛必南翥不徂北也其性好潔畏霜露  
夜栖以木蔽身多對啼共鳴日行不得也哥哥一

云鈎輈格磔有鳥相似不作此  
鳴者則非矣肉治菌毒 唐本

啄木

有大小二種啄樹取蠹食肉  
治蟲牙痛亦治反胃 嘉祐

鱗甲

龜

舊也壽考也語曰著老龜舊故古以龜卜著筮龜象  
也天產也著數也地產也龜與蛇合為元武大至一

尺以上者在水曰寶龜亦曰蔡龜形象離其神在坎  
上陸法天下平法地板屬金水補陰治瘡催生乳毒

腫毒皆灸研酒調服潮滴耳治  
聾外摩治龜胸龜背 藏器

鰲

一名團魚無耳而守神池納鰲則魚不能飛去神守  
之名以此純雌無雄內典曰鶴影生鰲思生孚乳其

抱以影謂隨日光所轉也甲治堅積寒熱温瘧下痰  
血補陰色青入肝不可過劑人咬指爛久欲脫者燒

灰傳之  
摘元方

蟹

一名螃蟹以其橫行也造化權輿曰龍易骨蛇易皮  
麋鹿易角蟹易螯折其螯足隨後更生其類甚多霜

降可食否則毒猛極能動風不可同柿及荆介食能  
續斷筋解骨去殼同黃搗炒納入創中筋即連接殺

漆毒同白芨末塗小兒  
解願以合為度 宗爽

蚌

與蛤同類而異形長者曰蚌圓者曰蛤雀入大水為  
蜃蜃即蚌也蚌粉化痰消積解熱除水腫擦癩痒搽

脚痛  
濕痛

田螺

大者如桶小者如桃李狀類蝸牛而長青黃色月  
毀於天螺消於淵離為螺外剛而內柔也肉止消

渴搗敷熱瘡貼臍引熱下  
行止噤口痢擦痔 時珍

穿山甲

通耳燒灰存性為末一字磁石如豆大一塊用新綿紙裹了塞耳口中銜少許鏡耳內須臾如

風雨即愈  
游生方

鯉

無大小皆三十六鱗陰極則陽生故熱熱則生風風家所忌諸魚在水無一息之停皆能動風山上水中

有此者不可食仙人琴高乘之也又作鱠下水腫治胎動不安 聖惠方

鱮

似鱧而色黑頭最  
大魚中之下品

鱒

一名鮓赤  
目魚也

鮠

一名草魚食草也形  
長身圓肉厚似鯉

青魚

正青色俗多以此魚作鮓所謂五侯鮓時汗注日能夜視膽治喉痺王士正詩巨鉤餌倍骨專車

白魚

一名鱖鮓鱗細腹扁頭尾向上也食之發瘡癩謝應芳詩湖上白魚多滿尺山中參果不論錢

鰻魚

大者二三十斤扁額長喙口  
在頷下細鱗腹白頰不發疾

鰻魚

似鱖似鰻口大  
頰似鰻而色黃

魴魚

一名鯊如裂篋之刀三月始出狀狹  
而長王士正詩鯊魚吹雪一江寒

鮓魚

似魴而長白如銀多刺如毛宋  
萃詩嘉味配朱櫻芳辰趁紫棟

鯽魚

一名鮓旅行以相即也屬  
土調胃瘠科熬膏外貼良

鱖魚

一名魴方扁也縮項穹脊潤腹細  
鱗其色青自有肋詩云必河之魴

鰻魚

大口細鱗有黑采斑鬚鬚刺人皮厚  
肉緊唐張志和詩桃花流水鰻魚肥

鯊魚

一名鱖如柳葉楊萬里詩風吹  
柳葉都落盡魚喫雪花方解肥

鱧魚

一名黑鱧七星魚愈癩  
疥醫集要浴兒免痘

鱧魚 一名白鱧如蛇治勞瘦 聖惠方

鱧魚 一名黃鱧夏出冬藏黑者有毒不可合犬肉食性與蛇同其血治口眼喎斜 藏器

鱧魚 一名泥鰍以一二枚從口鼻送入治牛狗羸瘦藏器

鱧魚 一名鮎魚額平夷偃其涎粘滑 總錄

鰕 一名鰕魚背有斷節多足好跳血風 集簡方

昆蟲

蠶 其蟲屬陽喜燥惡濕食而不飲三眠三起二十七日而老蓋神蟲也可以衣被天下鹹辛微温有小毒治

一切風痰并腹內龜病普濟方云自死僵蠶白馬屎能治胎裏生龜硬似磚

蜂蜜 俗名蜂糖生巖石者名石蜜色白如膏為勝凡煉蜜每斤入水四兩銀石器內以桑柴火慢煉掠去

浮沫至滴水成珠乃用謂之水火鍾法肛門生瘡肺熱也肛門屬肺塞痛腫縮生瘡生白蜜一斤猪膽汁一枚相和微火煎令可丸作挺塗油納入後重便通

癰疹瘰癧不拘多少好酒調下五色丹毒和乾薑末敷之肘

後方

土蜂 一名馬蜂色黑大黃蜂一名胡蜂乃人家屋上者疥腫瘡毒用房一個蛇蛻一條黃泥固煨存性

為末一錢好酒下其毒化為黃水下矣露蜂房一名紫金沙此懸在樹上得風露者臍風濕腫燒末敷之

立效子母秘方

螺贏 捷土作房如併竹管者是也治久聾瘰癧鼻窒出竹木刺 別錄

螳螂 子房名螳螂治產後遺尿桑螵蛸炙半兩龍骨一兩為末米飲服

雀甕 毛蟲作菌形如甕雀好食其中之子治小兒瘡風用有蟲者一枚僵蟲炒一枚膩粉少許研勻薄荷

調灌下出毒物名  
白龍膏 聖惠方

蛺蝶

一名蝴蝶胡者鬚也蝶美於鬚蛾美於眉其交以鼻以鬚代鼻交則粉退普濟治脫肛用之沈氏尊

生治鼻淵用蝶新塗地近嶺表羅浮蝴蝶成每飛來朱彝尊詩云萬里風花香入夢六朝金粉畫成衣

蜻蛉

六足四翼好飛水際杜甫詩點水蜻蛉款款飛其眼皆大強陰止精煖水藏 別錄

蜘蛛

懸網如魚罾者入藥其絲右繞遺尿著人生瘡能制蜈蚣蛛網以纏癩贅七日消落有驗 蘇恭

壁錢

作白幕如錢貼牆壁其虫有毒咬人用桑灰汁調白礬搽之一治鼻血金瘡捺取虫汁注鼻中點瘡

上治乳蛾喉痺用七個內要活者二枚搽作一處白礬七分以壁錢惹礬上燒存性出火毒為末竹管吹之立時就好

聖惠方

蟻

一名蚍蜉一名元駒白蟻大為物害生翼而飛性畏桐油焯炭竹雞

牛蝨

一名牛蟻輻預解小兒痘疹毒焙研服之 時珍

蟻螬

一名地蠶大者如足大指以背滾行同猪蹄作美食下乳汁宏景方一敷小兒臍瘡

蚱蟬

一名蝟變化相禪也蚱蟬聲蝟音調也主產難下胞衣取蚱脫之義治疔毒同僵蠶等分為末醋調

塗四圍候根出拔去再塗亦可為末蜜水調服一錢外以津和塗之

蜚蠊

一名夜遊將軍推車客治癩疾狂陽噤口痢燒研半錢燒酒調服

天牛

有黑角如八字似水牛治疔腫惡毒詳 李時珍本草

螢

療青盲勞傷肝氣目暗用螢火二十七枚納大鯉魚膽中陰乾百日為末每點少許用白犬膽亦可 聖

惠方

蜚蠊

一名茶婆蟲人家竈下極多辛辣而臭破積聚喉痺治婦人癥瘕乃血藥也 吳普本草

蝨斯 一名蚌蝨瘦長善跳如蝗亦能害稼

蟾蜍 一名癩蝦蟆至小兒疳疾最良蝦蟆則辛而有毒治犬咬

山蛤田父 田父一名輪同嫩磁器打碎有鋒鈇煮汁治下疳

蚯蚓 屬土與水性寒解熱毒通經絡代指疼痛杵末敷之齒縫出血不止為末同柘礬各一錢射少許擦

之地龍糞一兩木香三大黃七錢末每五錢用無根之水調吃治翻胃吐食忌煎炒椒醋 得效方同上

蝸牛 生研汁飲止消渴 甄權

蟋蟀 一名紡績娘宋學詩似訴似啼常社日在床在野念幽風

蝟斗 即蝦蟆子有尾漸大則脚生尾脫火熱腫毒瘡化水塗之即愈陳堯道詩秧肥蝟斗動桑暗鴉鴉呼

貨產

棉布 棉秋生黃花實熟四裂中綻如綿鐵鏈碾之去其核牽弦以彈綿勻細卷為筒就車紡之自然抽緒

如線絲狀線就煮之米漿水澆之晒之約之然後上機織以成布又有單紗布輕疎禦暑為宜又有斜紋布重密製被為宜葛之精者

出小廬山 參引廣羣芳

山石 航源石色白砂粗出土後必飽經風日漸次堅緻可為鐫刻可為碑版墓表石炭

材中鐫刻可為碑版墓表石炭 南山有之近水則便於運載 塗志新編

白羊嶺箭鏃石長三四寸許鋒而刃脊其廉可剗其實則石白羊嶺今呼為羊角嶺有凌雲峯上平如掌

皆古時寨基地中往往獲古箭鏃此孔子所謂楛矢石弩肅慎氏之物也

何君石產何君洞有一石懸於洞口其狀如雲廣數尺巉山秀碧扣之無聲何氏擊取置亭樹中圖經云

岩洞透邃中有棋枰山之前後產巨石何君玉筍古屬新塗

以上二石載雲林石譜臨江軍新淦縣石產

新淦縣志卷十三

兵衛目錄十一條

軍役	各衛正軍	衛散軍	漕運	保甲
兵制	兵餉	兵器	河營塘	陸營塘
				營伍條規

新淦縣志卷十三

兵衛 保甲漕運附

古者寓兵於農俾民習於戰守後世兵農雖分然亦  
交相爲用必軍政有其資斯戎行整以暇推而戶役  
里胥具秉成憲矣淦濱大河陸稱孔道利禦寇便轉  
粟有土有財事無重於此者所宜定久安之規也作  
兵衛而附以漕運保甲

漢

新淦爲豫章都尉治置都尉每屬國一人比二千石丞



一人淦當嶺越之衝佐尉典兵禁備盜賊

梁

大同八年進霸先位相國總百揆封十郡爲陳公備九之禮策曰王師討虜次屆淪波兵乏兼儲士有饑色公回麾彭蠡積穀巴邱億庾之詠斯豐壺漿之毗是衆故使三軍勇銳百戰無前承此兵糧遂殄凶逆

按巴邱新淦故地分隸峽江

南唐

蕭灘鎮巡使吳鸞請建縣議曰蕭灘之地當南粵虔吉

袁洪之衝舟車輻輳有庾廩兵戈之積

按蕭灘鎮新淦舊治改隸清江

宋

熙寧間立臨江水軍及水運軍建炎間立臨江三砦

元

元貞元年陞縣爲州新淦中州管軍五百之上達魯花赤一員千戶一員副千戶一員

宋元以來設水陸賽土軍一百四十名杯山賽土軍一百名

明

設守禦千戶所於臨江府繼改置千戶所於吉州時異勢殊事變無常本兵旣弱而機兵之議起編僉之法十年一更共計機總一千四百名嘉靖五年分置峽江縣割去機兵六百名實存八百名分爲十六總每名工食銀七兩二錢後裁民兵九十六名四十一年因寇亂設分守道駐劄本府內揀精兵二百五十二名赴道操練每名工食銀八兩九錢又裁常兵一百六十八名縣存機兵二百八十四名守禦差練每名工食銀八兩九錢

四十四年編僉機兵七百名精兵二百五十二名赴府團操每名工食銀八兩九錢明末設隊長三名團練兵一百二十五名內哨長一名教師二名守城精兵一百四十名分爲四隊隊長四人專委左貳一員操練崇禎十一年因流寇克斥袁州用兵郡兵悉赴援調郡城空虛部檄各縣召募土著義兵二百名分左右二哨每哨哨官一員教師隊長二名什長十名外總塘報四名  
明制民兵項下額編銀三千九百八十三兩七錢七分

二釐七毫

遇閏加銀二百四兩七錢七分七釐

解司克餉銀一千二十四兩七錢七分二釐七毫以後如奉

文添設江防哨船水手工食請詳於內支給不必另派崇禎五年撫院魏批先於內動支二百零四兩九錢

八分支給本縣存留精兵七十四名工食湊足八兩九錢

解府留備軍餉兵六十六名每名銀七兩六錢共銀五百一兩

六錢

隊長三名每名工食銀九兩六錢共銀二十八兩八錢遇閏每名加銀八錢

按季支給

團操精兵一百二十五名內哨長一名教師二名每名工食銀九兩共銀一千一

百一十四兩六錢遇閏哨長教師每名加銀八錢精兵一百二十二名每名工食銀八兩九錢共銀一千一

百一十四兩六錢每名加銀七錢四分一釐六毫存縣

支給

民快二百七名內撥跟布政司堂上二名本縣防守差

各工食銀七兩二錢崇禎五年撫院魏於解司克

餉銀內精兵工食八兩九錢余民快一百三十五名

每名工食銀五兩二錢共銀一千二百二十兩四錢遇閏精兵每

民快每名加銀四錢三分三釐三毫原編二百九名銀

一千二百三十兩八錢今裁本縣民快二名共減銀一

十四兩四錢實存前數按季支給

應捕兵府四名縣九名共一十三名每名工食銀七兩二錢共九

十三兩六錢遇閏每名加銀六錢原編一十六名銀一

百一十五兩二錢今裁縣捕三名共減銀

斤金縣志

兵衛

四

二十一兩六錢實存  
前數按季支給

國朝

城守兵一百名每年支給工食銀七百二十兩

額設外委一員字識一名差操兵丁四十名弓箭兵丁

二十名烏鎗兵丁二十名

一弓箭項下

原領鐵花盛甲一副係外委把總披戴

鐵盛素甲二十副

號帽二十頂

號褂二十件

各兵自備腰刀四十二口

戰箭六百七十枝

自備把箭二百七十三枝

撒袋箭二十一副

角弓二十一張

號袍二十一件

鷓鞋四十二雙

套褲二十一雙

半接衫二十一件

一鳥鎗項下

原領鐵盛綿甲二十一副

烏鎗二十一杆

號帽二十一頂

號褂二十一件

各兵自備腰刀四十二口

九龍袋二十一個

鷓鞋四十二雙

號袍二十一件

套褲二十一雙

半接衫二十一件

搭包四十二個

管塘七 石口塘 灘頭塘 河埠塘 界埠塘

泥江塘 車頭塘 燕子洲塘

陸塘一 大坑塘

塘房七棟 牌坊七座 墩臺七座 柵欄七圍

旗杆七根 瞭樓七座 哨船六隻 柳鑼旗炮俱全

一奉頒存貯原領

上諭書四十一本

儀注二本 四書講義八本

騰黃二道 齋戒牌二面

增定整飭營伍規條一本 清漢對音字式一本

行軍紀律書四十本 新增行軍紀律書四本

部頒隆字二百二十一號鈴記一顆

杯山司巡檢司一員弓兵二十名

杯山去淦六十餘里地界豐城樂安兩縣之交有麻嶺有豐樂橋地僻人稀易於藏盜因置巡司衙門以資防

禦

軍役

明初原額本縣各衛軍士共八千三百一十八戶分置  
 峽江縣割去三千九百一十一戶遠年事故丁盡戶存  
 戶絕二千八百三十三戶嘉靖十五年實在一千五百  
 九十四戶 嘉靖四十四年查役戶存一千一百零五  
 名戶絕一千九百一十五名見在一千三百八十七名  
 仍舊志所載以備查考

京師錦衣衛三十五名 金吾前衛二名 羽林左衛

一名 虎賁左衛一名 虎賁右衛三名 濟州衛一

名 燕山衛一名 通州衛六名 武驤衛一名 武

驤左衛二名 武功中衛四名 彭城衛一百一十七

名 府軍衛四十七名 府軍後衛三十四名 畱守

衛八名 畱守左衛四名 畱守後衛四名 畱守中

衛四名 長淮衛一名 騰驤左衛一名 武德衛一

名 武清衛一名 鄭府儀衛司一名 長陵衛一名

寬河守禦千戶所一名

豹韜衛一十九名 神策衛  
 八名 大寧中衛四名

南京錦衣衛二名 畱守左衛二名 畱守後衛四名

府君後衛三十四名 府軍衛一十名 豹韜衛一十  
四名 廣洋衛一十名 牧馬千戶所三名 神策衛  
二名 虎賁右衛一名 羽林左衛一名 龍江左衛  
二名 江陰衛一名 龍江衛一名 膺陽衛一名  
水軍衛二名

直隸神武中衛三名 新安衛二名 金山衛三名  
大倉衛一名 徐州衛九名 密雲後衛六名 涿鹿  
衛一名 通州左衛四名 大河衛九名 天津衛二  
名 蘇州衛一百一十一名 揚州衛通州守禦千戶

所一百一十三名 淮安衛七名 和州衛一名 揚  
州衛泰州守禦千戶所三名 淮遠衛十名 揚州衛  
鹽城守禦千戶所二名 淮安衛東海州中千戶所一  
名 壽州衛三名 盧龍衛十名 山海衛三名 撫  
寧衛六名 興州右屯衛二名 興州中屯衛一名  
大原左衛一名 興州後屯衛二名 開平中屯衛一  
名 隆慶右衛一名 隆慶衛二名 德州左衛二名  
遼東瀋陽中衛十七名 金州衛十九名 蓋州衛十  
五名 鐵嶺衛十四名 三萬衛九名 海州衛二名

義州衛六名 復州衛四名 定遼前衛四名 定遼  
左衛四名 定遼中衛二名 定遼衛二名 廣寧左  
屯衛二名 廣寧中屯衛四名 廣寧衛三名 東寧  
衛三名 苑馬寺二名 東海右衛一名 定遼後衛  
七名 遼海衛五名 廣寧前屯衛三名 廣寧右屯  
衛三名 寧遼衛一名

山東登州衛四名 兗州護衛三名 會州衛一名  
城山衛一名 威海衛三名 清州衛一名 靖海衛  
三名 海陽守禦千戶所一名 安東由屯衛五名

陝西涼昌衛五名 甘州前衛一名 甘州左衛二名  
甘州後衛八名 甘州衛二名 肅州衛三名 山丹  
衛十二名 莊浪衛五名 寧夏衛十名 寧夏中衛  
一名 沈州衛一名 西安左衛五名 西安前衛二  
名 寧夏左屯衛一名 臨免衛一名 鎮守禦千  
戶所一名

浙江杭州衛六名 杭州前衛十七名 杭州右衛六  
十六名 海寧衛五名 定海衛一名 寧波衛二名  
中都長淮衛一名 營州前屯衛五名 營州後屯衛



四名 營州右屯衛四名 營州中屯衛二名

河南淮慶衛八十一名 穎上守禦千戶所一名 洛

陽中護衛二名 宏農衛十二名 陳州衛四名 寧

番衛三名 會州衛二名

廣西奉議衛二十八名 奉議衛向武軍民千戶所一

名 南丹衛十三名 慶遠衛七名 桂林衛一名

柳州武宣守禦千戶所一名 南寧衛一名 潯州衛

一名 懷集守禦千戶所一名 廣西護衛一名

雲南大理衛一名 洱海衛二名 金齒衛二名 楚

雄衛四名 回靖衛二名 景東衛四名 臨安衛三

名 六涼衛一名 雲南右衛一名

貴州普袁衛十六名 貴州衛四名 安莊衛二名

典田衛三名 清平衛二名 永寧衛五名 都勻衛

二名 普定衛二名

江西南昌衛一百名 會昌守禦千戶所十六名 袁

州衛二名

廣東潮州衛三名 海南衛一名 神寧衛新會守禦

千戶所一名

湖廣武昌中護衛  鎮遠衛一名 茶陵衛郴州

守禦千戶所一  五開衛十名 蘄州衛一名 寧

遠桃川守禦  所一名 寧遠衛二名 瞿塘衛三

名 荊州右衛三名 承天衛一名 陸安衛三名

靖州衛五名 銅鼓衛十名 襄府羣牧千戶所一名

崇府羣牧千戶所一名 吉府儀衛司二名 吉府羣

牧千戶所二名 荊州羣牧千戶所一名 徽府長史

司三名

山西大同左衛一名 大同中屯衛一名 大同中護

衛一名 萬全都司懷來衛四十一名 開平衛五名

保安衛八名

各衛正散軍戶

新淦縣

古今並無駐劄衛所守備千總把總員弁衙門境內

亦無 撥出 增入 屯田坐落處所

管轄正運漕船及分歸南昌前後二衛兼轄領運漕

船并幫貼散軍

南昌前軍

散軍

羅敬現在幫貼鄒還仔船

呂來生現在幫貼喻乞住船

鄒真保現在幫貼鍾試富船

李壯俚現在幫貼南前撥入安福所鄭大受船

聶福現在幫貼海鉄俚船

曾始仔現在幫貼毛廣興錢祖庄船

劉韜現在幫貼南前撥入袁州衛胡天林船

聶春生現在幫貼南前撥入安福所徐士奇船

曾奉占現在幫貼南前撥入安福所鄔大興船

南昌後衛

正軍

曾大生漕船一隻僉選造運正副旗丁二名南後撥入

廣信幫楊開俚原與瑞州府高安縣旗丁王伏仔朋名

王楊同公共漕船一隻輪流造運各承十進僉選造運

正副旗丁二名

朱受生原係九江府瑞昌縣旗丁阮得招爲散軍嗣因

散頂正運現在共船一隻船名阮得招兩戶分承造運

輪流承值僉選造運正副旗丁二名

聶鉄生現在幫貼南後撥入廣信幫旗丁程惟善船

朱烈生現在幫貼南後撥入廣信所熊伏興船

楊生俚現在幫貼徐詹一船

黃羣現在幫貼蔣向船

鄧奴仔現在幫貼南後撥入廣信所劉興張船

漕運

自元濬會通河明導汶水北會漳衛而東北之運道以通

國朝南鑿桃宿之道開中運河以避黃河之險於是糧艘由淮浦渡河徑趨山東達

京師皆銜尾無阻利弊剔姦以肅漕政垂萬世之利賴於無窮焉

凡歲漕

江西十有五萬千八百五十石

明代漕糧繫軍民交兌民受需索之苦

國初改爲官收官兌因酌定贈貼官爲支給隨其方俗各省異名每運米百石江西給貼運潤耗銀三兩米三石

副耗米十有三石

凡漕政掌於漕運總督各省以糧儲道專司之各府以管糧同知通判分治之徵收兌運由州縣官總其成於巡撫布政使司運道疏濬牐壩啟閉自江北至淮自淮至北天津則河道總督任之天津以北倉場侍郎經理之歲以給事中御史分巡通州而下天津濟寧淮安至揚子江口以稽察運道剔除漕弊

漕運限期

江西漕船次年三月初十日過淮六月初一日到通奏報

新淦縣

明嘉靖五年分置峽江縣割去田糧之外徵官民米五萬三千四百四十一石九斗七升八合三勺

國朝順治十四年賦役全書除

題淮水決沙塞荒蕪田地外按見在成熟官民田地山塘陂圳現在

額徵漕南正米一萬三千七百九十一石七斗六升三合四勺副米七千三百零九石六斗三升四合四勺耗

米一千二百四十石五斗一升一合二勺  
通共正副耗米二萬二千三百四十一石九斗零九合  
按年運赴省城兌軍

保甲

明

明制各鄉村並隨民居多少十里立甲長一名五十家  
立保甲一名百家立團長一名或二名有警互相救援  
嘉靖辛酉廣寇入境江撫行文令民居五百家立保甲  
長一人一保甲長統五村一村長統十隣長一隣長統  
十家大小相維有保障功

國朝

保甲之設尤爲法良意美督撫大臣疊檄各縣查核康  
熙八年邑令董謙吉於各鄉之中分立八社十煙一甲  
十甲一保十保一社酌形定制稽察維嚴

嘉慶十八年十月二十五日內閣奉

上諭葉紹楨奏陳直省保甲事宜並將伊父原任湖南布政使  
葉佩蓀從前酌定條規繕錄進呈着將葉紹楨備進刊  
本發給直省督撫各一冊令該督撫翻刻印刷通飭所

屬各州縣一體仿照辦理由司會議詳奪各按地方情形通盤籌畫計發保甲事宜二本一存官門牌式樣一張刊發

一繕造法  
一牌冊式  
一循環法

一稽查法  
一禁奸法  
一勸善法

省會城市大郡大邑大鎮五方雜處之地人眾事繁不能用門牌及換冊之法各分段落選曉事總甲各給總冊一本令其就所分段落內某街某巷共若干戶挨次開載亦每年一次攜冊到官抽查

保甲之行往往道府衙門責令造送花名清冊致州縣視爲畏途書吏借以科派今只令各州縣自造循環冊二本門牌一張其餘衙門概不用造冊申送惟於辦竣後將通邑若干里編成幾甲共冊若干本存縣之處據實詳稟本管道府或將原冊弔查或於巡歷之便親加抽對虛實總可立見

時得惠書甚喜

一

二

三

四

五

